

Jismoniy shaxslar (I guruh) uchun suv tarqatish shoxabchasi (gusak) orqali avtotransportlar bilan ichimlik suv yetkazib berish bo'yicha Shartnoma raqami-sonli shartnoma

Shartnoma tuzilgan sana

Shartnoma tuzilgan joy

Ushbu shartnoma "Ta'minotchi" tarafning nomi suv ta'minoti korxonasi (keyingi o'rinlarda "Ta'minotchi" deb yuritiladi) nomidan Nizom asosida ish yurituvchi "Ta'minotchi" taraf nomidan ish olib boruvchi shaxsning lavozimi va F.I.O.si bir tomondan, Iste'molchining manzili manzilida joylashgan xonadon egasi Iste'molchining F.I.O.si (keyingi o'rinlarda "Iste'molchi" deb yuritiladi) ikkinchi tomondan quyidagilar haqida tuzildi.

I. SHARTNOMA PREDMETI

1.1 "Ta'minotchi" O'zbekiston Respublikasi Vazirlar Mahkamasining 2014-yil 15-iyuldagi 194-sonli qarori bilan tasdiqlangan "Iste'molchilarga suv ta'minoti va oqova suvni chiqarish xizmatlari ko'rsatish Qoidalar" (keyinchalik matnda – Qoidalar deb yuritiladi) asosida "Iste'molchi"ning xo'jalik-maishiy ehtiyojlari uchun ichimlik suvini yetkazib berish majburiyatini oladi.

1.2. "Iste'molchi" amaldagi ta'rif, me'yorlar va Qoidalar asosida, ishlatilgan ichimlik suvi uchun o'z vaqtida to'lovlarni amalga oshirish majburiyatini o'z zimmasiga oladi.

II. SUV TA'MINOTI HAJMINI HISOBGA OLISH

2.1. "Iste'molchi" tomonidan yetkazilgan suv hajmi Qoidalarga muvofiq aniqlanishi lozim.

III. SUV TA'MINOTI UCHUN HISOB-KITOB QILISH TARTIBI

3.1. "Iste'molchi" yetkazilgan ichimlik suv ta'minoti uchun oy bo'yicha va har oyda keyingi oyning yetkazish uchun 100 foizlik oldindan xaq to'lashni amalga oshirishi lozim;

a) aholiga tarif bo'yicha "Iste'molchi"ga yetkazib berilgan 1m³ ichimlik suvi uchun to'lov miqdori so'm 1m³;

3.2. Iste'molchilar uchun Ichimlik suvi uchun ta'rif belgilash to'g'risidagi qaror qabul qilingan sana kunidagi Ichimlik suvi uchun ta'rif belgilash to'g'risidagi qarorning raqami-sonli qarorga asosan ichimlik suv ta'minoti xizmatlari tariflariga maxsus ustama xaq miqdori Suv ta'minoti xizmatlari tariflariga iste'molchilar uchun belgilangan ustama xaq miqdori so'm/m³ etib belgilangan.

3.3. Ichimlik suv ta'minoti uchun tariflar o'zgarganda, sanasidan qat'iy nazar, ushbu xizmatlar yuzasidan "Iste'molchi" bilan tuzilgan shartnoma o'z kuchini saqlab qoladi va "Iste'molchi" ko'rsatilgan xizmatlar uchun yangi tariflar asosida, ular kiritilgan sanadan e'tiboran to'lovlarni amalga oshirishi shart.

3.4. Ichimlik suv ta'minoti uchun to'lovlar "Iste'molchi"ning tanlovi bo'yicha cheklanmagan ravishda, naqd yoki pul o'tkazish (to'lov hujjati yoki to'lov topshiriqnomasi bo'yicha) orqali pul mablag'lari bilan, shuningdek, plastik kartochkalardan yoki elektron aloqa tizimlari vositasida pul o'tkazish yo'li bilan ham amalga oshiriladi.

IV. TOMONLARNING HUQUQLARI VA MAJBURIYATLARI

4.1. "Ta'minotchi"ning huquqlari:

a) "Ta'minotchi" "Iste'molchi"ni 7 kun avval yozma ravishda ogohlantirgan holda, quyidagi holatlarda ichimlik suvini yetkazishni to'liq yoki qisman to'xtatishi mumkin;

"Iste'molchi" tomonidan shartnoma shartlari bajarilmaganda va yetkazilgan suv miqdori bo'yicha shartlarga rioya qilmaganda;

b) "Ta'minotchi" quyidagi holatlarda oldindan xabar qilmasdan suv yetkazishni to'liq yoki qisman to'xtatishga haqli:

"Iste'molchi" oldindan 100 foizlik haq to'lamagan hollarda;

"Ta'minotchi" tashkilotining elektr ta'minoti to'xtatilganda;

- tabiiy ofatlar ro'y berganda;

- avariya holatlarida;

- yong'in chiqqan joylarga suv uzatishni ko'paytirishga zarurat tug'ilganda.

4.2. “Ta’minotchi”ning majburiyatlari:

- a) Suv ta’minoti shartnoma shartlarini bajarish;
- b) “Iste’molchi”larga suv barqaror yetkazilishini ta’minlash;
- v) ichimlik suv tizimida ro’y bergan buzilishlar aniqlangan kundan boshlab bir sutka mobaynida ularning sabablari, xizmat ko’rsatishdagi to’xtalish muddatlari va cheklanishlar, shuningdek, ko’rsatilayotgan xizmat sifatlarining o’zgarishi sabablari haqida “Iste’molchi”larga axborot berish;
- g) ichimlik suv yetkazishda ro’y berishi mumkin bo’lgan rejali to’xtatish va uzilishlar haqida “Iste’molchi”larni uzilishlar boshlanguncha 10 ish kunidan kechikmay ogohlantirish;
- d) ichimlik suvni iste’mol qilishga doir amaldagi va yangi joriy qilingan me’yoriy-huquqiy va boshqa hujjatlar bilan “Iste’molchi”larni aloqa vositalari orqali xabardor qilish;
- z) ichimlik suv ta’minoti tariflaridagi o’zgarishlar haqida ular amalda joriy qilinishidan 15 kun avval ommaviy axborot vositalari yoki boshqa aloqa vositalari yordamida “Iste’molchi”larni xabardor qilish;
- i) ichimlik suv ta’minoti uchun amalga oshirilgan to’lovlarning holati, qarzlarning mavjud emasligi haqidagi ma’lumotlarni “Iste’molchi”larga bepul taqdim etish;
- y) da’vo muddati chegaralari doirasida suv ta’minoti uchun mavjud qarzlarni undirish yuzasidan barcha choralarni ko’rish. Qarzdorlik bo’yicha suvni yetkazib bermaslik “Iste’molchi”dan qarzdorlik to’langandan so’ng suvni yetkazib berishlik;
- k) “Ta’minotchi” amaldagi qonun hujjatlariga va shartnomaga muvofiq boshqa huquq va majburiyatlarga ham ega bo’ladi.

4.3 “Iste’molchi”ning huquqlari:

- a) “Ta’minotchi”dan, u bilan tuzilgan shartnoma asosida, “Ta’minotchi”ning texnik imkoniyatlari mavjud bo’lgan holatlarda, ixtisoslashgan iste’molchilarga ichimlik suvini markaziy ichimlik suv ta’minoti tizimlaridagi suv tarqatish shoxabchalaridan maxalliy davlat xokimliklari tomonidan bir km.ga xisoblangan narxda, belgilangan avtotransport vositasida aniq muddatda va miqdorda yetkazib berilishini, o’z hayoti va sog’lig’iga, mulkiga xavf tug’dirmaydigan darajadagi sifat va miqdorda ichimlik suv berilishini talab qilish;
- b) “Ta’minotchi”ni shartnomani bekor qilish to’g’risida, uning bekor qilinishidan kamida 15 kun oldin ogohlantirgan holda va ushbu muddatda suv ta’minoti uchun to’lovlarni to’liq amalga oshirgan holda shartnomani bir tomonlama bekor qilish;
- v) ichimlik suv ta’minoti uchun amalga oshirilgan to’lovlarning holati, qarzlarning yo’qligi haqidagi ma’lumotlar va ma’lumotnomani shaxsan yoki o’z vakili orqali bepul olish;
- g) “Ta’minotchi”dan ichimlik suv ta’minoti hajmi va sifati, ularni amalga oshirish shartlari, to’lovlar tarifi va tartiblarining o’zgarishi haqidagi ma’lumotlarni bepul olish;
- d) ichimlik suv ta’minoti past sifatda ekanligi to’g’risidagi dalolatnoma taqdim etilgandan keyin 18 soat mobaynida “Ta’minotchi”dan nosozlik va kamchiliklarni bartaraf etish chora-tadbirlari to’g’risidagi ma’lumotlarni olish.

4.4. “Iste’molchi”ning majburiyatlari:

- a) “Ta’minotchi” bilan tuzilgan shartnoma majburiyatlarini bajarish;
- b) “Iste’molchi” amaldagi qonunchilik hujjatlariga va shartnomaga muvofiq boshqa huquq va majburiyatlarga ham ega bo’ladi.

V. TOMONLARNING JAVOBGARLIGI

5.1. “Ta’minotchi”:

- a) “Iste’molchi”ni me’yoriy-huquqiy va boshqa hujjatlarga hamda o’zaro tuzilgan shartnomaga muvofiq sifatli ichimlik suvi bilan ta’minlash (yetkazib berish);
- b) “Iste’molchi”ning hayoti, sog’lig’i, mulkiga yetkazilgan moddiy va ma’naviy zarar uchun qonunchilikda belgilangan tartibda javob berish;
- v) “Ta’minotchi” shartnoma shartlari va o’ziga yuklangan majburiyatlarni bajarmaganlik uchun qonunda belgilangan tartibda javobgardir.

5.2. “Ta’minotchi” “Iste’molchi”ning aybiga ko’ra ichimlik suv yetkazishdagi uzilishlar uchun javob bermaydi.

5.3. “Ta’minotchi” shartnoma shartlariga muvofiq o‘z majburiyatlarini asossiz ravishda bajara olmagan holatlarda “Iste’molchi”ga har bir kun uchun 0,1 foiz miqdorda penya to‘laydilar. Ammo bu miqdor kechiktirilgan majburiyatlar summasining jami 15 foizidan oshmasligi lozim.

5.4. “Iste’molchi”:

- a) shartnoma shartlarining bajarilishi;
- b) sanitariya-texnika uskunalarining doimiy soz holatda saqlanishi;
- v) sanitariya-texnika uskunalaridan suv oqishiga yo‘l qo‘ymaslik;
- g) ichimlik suv ta’minoti uchun 100 foizlik oldindan to‘lovlarni amalga oshirish shart.

VI. ALOHIDA SHARTLAR

6.1. Hisob-kitoblarning noto‘g‘ri amalga oshirilganligi (tariflarning noto‘g‘ri hisobga olinganligi va shu kabi holatlar) to‘g‘risida yoziladigan e’tiroznoma to‘lov hujjati olingandan keyin 5 kun muddatda “Ta’minotchi” tashkilotiga taqdim etilishi lozim. E’tiroznoma “Iste’molchi”ni to‘lov hujjatida ko‘rsatilgan summani to‘liq va belgilangan muddatda to‘lashdan ozod qilmaydi.

6.2. E’tiroznoma “Ta’minotchi” tashkilot tomonidan 10 kun muddatda ko‘rib chiqiladi. Ular asosli deb topilsa, to‘langan ortiqcha summa keyingi to‘lov hujjati hisobiga o‘tkaziladi. “Iste’molchi” e’tiroznoma ko‘rib chiqilganligi to‘g‘risidagi ma’lumotni aloqa vositalari orqali, e’tiroz ko‘rib chiqilishi lozim bo‘lgan muddat tugagandan keyin 3 kun muddatda xabardor qilinishi lozim. Ko‘rsatilgan muddat ichida “Iste’molchi” xabardor qilinmasa, masala “Iste’molchi” foydasiga hal qilingan hisoblanadi.

Yakka tartibdagi uy-joy mulkdorlari o‘zgargan taqdirda, “Iste’molchi”lar bu haqda “Ta’minotchi” tashkiloti bilan tuzilgan shartnomada belgilangan muddatda yozma ravishda xabardor qilishi va sarflangan suv uchun to‘liq hisob-kitob qilishi shart, yangi mulkdor esa mulkdor o‘zgargan kundan boshlab 7 kun muddatda yangi shartnoma tuzishi shart.

6.3. “Ta’minotchi” tomonidan ta’mir-profilaktik ishlari olib borilganda ichimlik suv ta’minoti ko‘pi bilan 36 soatga to‘xtatilishi mumkin.

VII. NIZOLARNI HAL QILISH TARTIBI

7.1. Taraflar o‘rtasida shartnoma yuzasidan kelib chiqqan nizolar, kelishuv yo‘li bilan hal qilinadi. Agarda ikki tomonlama kelishuvga erishilmasa, nizolar Qonun xujjatlarida belgilangan tartibda “Iste’molchi” istiqomat qiladigan hududdagi fuqarolik ishlari bo‘yicha sudlar orqali hal qilinadi.

7.2. Ushbu shartnomada belgilanmagan holatlar yuzasidan nizo kelib chiqqan taqdirda, Qonunchilikda belgilangan tartibda hal qilinadi.

VIII. FORS-MAJOR

8.1. Agar ushbu shartnoma bo‘yicha majburiyatlar qisman yoki to‘liq bajarilmasligi tabiat hodisalari va boshqa yengib bo‘lmaydigan kuch (fors-major) holatlari (zilzila, suv toshqini, yong‘in, sel, do‘l, jala va boshqa tabiiy ofatlar) natijasida kelib chiqsa va agar bu holatlar mazkur shartnomaning bajarilishiga bevosita ta’sir etsa, tomonlar bunday bajarmaslik uchun javobgarlikdan ozod etiladilar.

Mazkur shartnoma bo‘yicha majburiyatlarni bajarish muddati yengib bo‘lmaydigan kuch holatlari amal qilgan, shuningdek, ushbu holatlar yuzaga keltirgan vaqtga mutanosib ravishda uzaytiriladi.

8.2. Fors-major holati mavjud bo‘lgan tomon 3 kun ichida boshqa tomonni fors-major holati boshlangan muddatlarni ko‘rsatgan holda yozma ravishda ogohlantirishi lozim.

8.3. Agar fors-major holatining shartnoma shartlarini bajarishga uch oydan ko‘p muddat to‘sqinlik qilsa, tomonlardan biri shartnomani bekor qilish huquqiga ega.

IX. SHARTNOMANING AMAL QILISH MUDDATI

9.1. Mazkur shartnoma Shartnomaning amal qilish muddati boshlanadigan sanadan Shartnomaning amal qilish muddati tugaydigan sanagacha bo‘lgan muddatga tuzildi.

9.2. Shartnomaning amal qilish muddati tugagach taraflardan birining shartnomani bekor qilish yoki shartnoma shartlariga o‘zgartirishlar kiritish to‘g‘risidagi arizasi bo‘lmasa, mazkur shartnomada ko‘zda tutilgan o‘sha muddat va o‘sha shartlar asosida uzaytirilgan hisoblanadi.

9.3. Taraflardan biri shartnomani uzaytirishni istamasa, u ikkinchi tomonga mazkur shartnomaning amal qilish muddati tugashiga kamida Shartnomani uzaytirishni istamagan tomon bu haqida ikkinchi tomonni shartnomaning amal qilish muddati tugashiga necha kun qolganda xabardor qiladi kun qolganda xabar berishi lozim.

X. YAKUNIY QOIDALAR

10.1. Mazkur shartnoma taraflar o'rtasida imzolangandan boshlab tuzilgan hisoblanadi, tomonlarning har biri uchun bir xil yuridik kuchga ega ikki nusxada tuzildi.

Mazkur shartnomaga o'zgartishlar tomonlar o'rtasida qo'shimcha kelishuv asosida yozma ravishda amalga oshiriladi.

XI. TARAFLARNING MANZILLARI

“TA’MINOTCHI”

“Ta’minotchi” tarafning nomi

Manzil: “Ta’minotchi” tarafning manzili

Bank: “Ta’minotchi” tarafning hisob raqami joylashgan bank nomi

H/R: “Ta’minotchi” tarafning hisob raqami

STIR: “Ta’minotchi” tarafning STIR raqami

Telefon: “Ta’minotchi” tarafning telefon raqami

“Ta’minotchi” taraf nomidan ish olib boruvchi shaxsning lavozimi va F.I.O.si

imzo

“ISTE’MOLCHI”

Manzil: Iste’molchining manzili

Pasport raqami: Iste’molchining pasport seriyasi va raqami

Tug’ilgan sanasi: Iste’molchining tug’ilgan sanasi

Pasport qachon va kim tomonidan berilgan Iste’molchiga pasport qachon va kim tomonidan berilgan

Telefon: Iste’molchining telefon raqami

Iste’molchining F.I.Osi

imzo

Yuriskonsult: _____

“Ta’minotchi” taraf yuriskonsultining F.I.Osi (*imzo*)